

MEMORIA XUSTIFICATIVA DO CONVENIO DE COLABORACIÓN ENTRE A CONSELLERÍA DE PRESIDENCIA, XUSTIZA E DEPORTES E A FUNDACIÓN SEMANA VERDE DE GALICIA PARA O FINANCIAMENTO DOS GASTOS DERIVADOS DAS OBRAS DE REFORMA DAS INSTALACIÓNS HÍPICAS EXTERIORES NO RECINTO FEIRAL INTERNACIONAL DE GALICIA EN SILLEDA

I. Departamento que tramita o convenio

A Consellería de Presidencia, Xustiza e Deportes é o departamento encargado de xestionar as competencias atribuídas á Comunidade Autónoma de Galicia, en materia de deportes, de conformidade co previsto no Decreto 136/2024, do 20 de maio, polo que se establece a estrutura orgánica da Consellería de Presidencia, Xustiza e Deportes (DOG núm. 101 do 27 de maio).

II. Antecedentes

Conforme ao establecido no Estatuto de Autonomía de Galicia, a Comunidade Autónoma galega asume a competencia exclusiva en materia de promoción do deporte (artigo 27.22), correspondéndolle á Consellería de Presidencia, Xustiza e Deportes, as competencias de elaboración, proposta e execución da política do goberno galego en materia de deportes, conforme ao establecido no Decreto 136/2024, do 20 de maio (DOG núm. 101, do 27 de maio), polo que se fixa a estrutura orgánica da Consellería de Presidencia, Xustiza e Deportes.

A Fundación Semana Verde de Galicia (en adiante FSVG) constituída como fundación de interese xeral galego e sen ánimo de lucro, ten personalidade xurídica propia e plena capacidade de obrar, consonte a Lei 12/2006, de 1 de decembro, de fundacións de interese galego.

A Fundación atópase inscrita no Rexistro de Fundacións de Interese Galego, co número 1991-5, na sección da Consellería de Presidencia, Administracións Públicas e Xustiza (actualmente Consellería de Presidencia, Xustiza e Deportes). Foi clasificada como benéfico-privada mediante Orde da Consellería de Presidencia e Administración Pública de 9 de xullo de 1991 (DOG número 138, do 19 de xullo de 1991) e declarada de interese galego mediante Orde da mesma consellería de 10 de xullo de 1991 (DOG número 140, do 23 de xullo de 1991).

Segundo os seus estatutos, son fins da FSVG, entre outros, promover a cooperación público-privada no desenvolvemento de actividades feirais e promocionais no campo agrario, alimentario, industrial e comercial co obxecto de impulsar o avance continuo dos devanditos sectores; reforzar a posición estratéxica de Galicia como plataforma feiral para o desenvolvemento de grandes eventos sectoriais de ámbito estatal e internacionais; o impulso e promoción do Recinto Feiral de Galicia en Silleda como un enclave estratéxico para o desenvolvemento socioeconómico de Galicia, e en particular, como infraestrutura de promoción e exposición comercial.



Ó nacemento da Fundación Semana Verde de Galicia sucedeulle a creación e posta en marcha do maior parque feiral de toda a comunidade autónoma e o único recinto de exposicións de todo o mundo que, estando situado no medio rural, se inclúe no calendario da Unión de Feiras Internacionais (UFI).

A esta magnitude e importancia do recinto Feira Internacional de Galicia é necesario engadir a súa situación estratéxica, no centro xeográfico de Galicia, perfectamente comunicado coas principais cidades, con autopistas e aeroporto, con ampla e variada oferta en hospedaxe e restauración

Os máis de 428.000 m² converten o recinto feiral no maior de Galicia e do noroeste de España e do norte de Portugal, con sete pavillóns cubertos, distribuídos en 40.000 m² e outros 55.000 de exposición o aire libre, que lle permite acoller feiras sectoriais e exposicións de calquera tipoloxía. Ademais, completa a súa área de servizos con un aparcamento con capacidade para 3.800 vehículos; un restaurante y dos autoservizos para atender a 4.500 persoas e seis cafeterías que poden asistir a 800 persoas.

En cumprimento dos seus obxectivos, a FSVG estableceu relacións coa Federación Hípica Galega co ánimo de definir posibles vías de colaboración que permitan a celebración de actividades deportivas e formativas de alto nivel no recinto Feira Internacional de Galicia, para o que dispón dunha probada solvencia técnica, profesional e económica, así como das infraestruturas e instalacións precisas, con capacidade para a promoción nacional e internacional das actividades que no devandito recinto se desenvolvan.

A FSVG xa conta con instalacións hípicas na zona de gandería do recinto feiral, en concreto dispón dun ring principal que ten unha superficie útil de 8.500 m², cun aforo máximo de 34.000 persoas, e cunha grada que permite acoller a 1.500 persoas baixo unha superficie cuberta e outras 800 o aire libre, contando con herba natural; unha pista de quencemento (ring anexo) cunha superficie de área de 4.100 m; e unha zona de cortes que dispón de 92 boxes sobre unha superficie bruta de 1.586 m² cun aforo máximo de 2.620 persoas.

Non obstante, hai que ter en conta que as pistas para albergar concursos de primeira orde, deben de cumprir uns estándares internacionais de calidade e benestar animal. Por elo, sería preciso levar a cabo unha intervención prioritaria e imprescindible consistente na remodelación completa e a fondo das pistas de competición para adecualas ás esixencias actuais.

A hípica é, a día de hoxe, un dos grandes deportes de Galicia, cunha evolución en positivo só lastrada pola falla de grandes instalacións deportivas para a súa práctica. Os seus máis de 5.100 xinetes e amazonas federados/as sitúan á nosa comunidade nos primeiros postos do ránking español en relación á concesión de licenzas deportivas. A Federación Hípica Galega ocupa o cuarto posto, tan só superada por Madrid, Cataluña e Andalucía, autonomías cuns índices demográficos notablemente superiores que xustifican, na proxección, estas diferenzas.

A hípica galega conta con máis de 5.100 licencias federadas; sobre 2.000 cabalos rexistrados, e uns 70 pequenos clubs. E o movemento económico que xera en Galicia o sector ecuestre nas súas diferentes fases ascende a 183.776.317 €, cifra que aporta o "*Segundo estudio de impacto del sector ecuestre en España*". Case a metade corresponde á fase de explotación, da que forman parte as competicións deportivas.



O momento doce da hípica en Galicia non se corresponde coa realidade que vive a nosa comunidade autónoma no que atinxe á cantidade e calidade das instalacións deportivas hípias. De aí a importancia estratéxica de dotarse dun centro directamente xestionado pola Federación Hípica Galega, á imaxe e semellanza do que acontece noutras autonomías.

Esta infraestrutura permitiría á Federación Hípica Gallega avanzar en tres obxectivos prioritarios: mellorar a formación dos/as nosos/as deportistas; garantir o benestar dos cabalos; e aumentar a presenza de Galicia na competición de alto nivel.

A Federación Hípica Gallega conta cunha ampla experiencia na organización de competicións hípias e de formación en todas as disciplinas que a integran, o que constitúe a mellor garantía para poder levar a cabo un plan de xestión realizábel para o máximo aproveitamento das instalacións hípias que comprendería para este ano 2026 os seguintes eventos:

- Inauguración oficial do Centro Hípico de Alto Rendemento.
- Campionato e Copa Galega de Doma clásica con cabalos e concurso Nacional de Doma clásica.
- Campionato e Copa Galega de Doma clásica con ponis.
- Campionato e Copa Galega de Saltos de obstáculos con cabalos.
- Campionato e Copa Galega de Saltos de obstáculos con ponis.
- Posta en marcha dos seguintes centros: Centro de formación e reciclaxe de xuíces e técnicos; Centro de tecnificación da Federación Hípica Gallega para as categorías de menores nas disciplinas de Saltos con obstáculos e Doma clásica; Centro de adestramentos programados a disposición dos 60 clubs que forman parte da Federación Hípica Gallega e o Centro de adestramentos programados dos criadores de cabalos de deporte que forman parte da Federación Hípica Gallega.

Para o ano 2027 e posteriores, ás actividades descritas para o 2026 sumaranse outros concursos e proxectos entre os que cabe destacar:

- Tres concursos de saltos nacionais 2 estrelas.
- Concurso nacional de Doma clásica.
- Concurso de Saltos Internacionais – Circuíto Luso – Galaico.
- Copa Ástur – Galaica de Saltos de obstáculos.

III. Finalidade

Para os efectos sinalados, tense previsto formalizar coa Fundación Semana Verde de Galicia o instrumento convencional a que se refire a presente memoria, cunha duración que abrangue dende a súa sinatura ata o 31 de decembro de 2026.

IV. Obxecto do convenio

O obxecto do presente convenio é fixar as liñas de colaboración entre a Consellería de Presidencia, Xustiza e Deportes e a Fundación Semana Verde de Galicia, para o financiamento



das obras de reforma das instalacións hípicas exteriores do recinto feiral internacional de Galicia, en Silleda.

O orzamento destas actuacións é de **SEISCENTOS CORENTA E CATRO MIL CENTO VINTE EUROS CON CATRO CÉNTIMOS (644.120,04€)**.

V. Actuación da subvención

A intervención contempla a creación dunha pista de última xeración composta por area de microsílíce e fibras xeotextiles, equipada cun sistema de rego e drenaxe interno, o que permitirá o seu uso continuado durante todo o ano, incluso en condición climáticas adversas.

Para isto, incorporárase un sistema de rego interior que aporta ao chan agarre, elasticidade e, en consecuencia, confortabilidade para o cabalo. Conséguese coa mestura de diferentes fibras con area moi específicas de micro sílice. Así mesmo, a gran vantaxe do rego interior fronte ao aéreo reside en que non hai perda de auga por vento -reducindo o consumo de auga-, e garante a homoxeneidade da humidade en toda a pista, de modo que a pisada do cabalo será a mesma en toda a superficie, obtendo o mesmo rebote, e a mesma amortiguación. A grandes rasgos, a intervención contemplaría:

- Escavación da pista e de zanxas para canalización de tubaxes.
- Colocación de lona illante.
- Instalación de tubaxes con boias e electroválvulas.
- Achega de capas de area de drenaxe e nivelación por láser.
- Aplicación de capa final de area de microsílíce e mestura con fibra.
- Posta en marcha do sistema integral de rega e drenaxe.

VI. Fundamentos do convenio

O desenvolvemento do deporte nos últimos anos desencadeou unha serie de cambios que o configuran non só como unha actividade lúdica e saudable, senón como un feito social de gran significado nas vidas dos cidadáns.

A celebración de grandes eventos deportivos ou relacionados coa pedagogía deportiva supón un elemento de desenvolvemento económico e unha opción estratéxica para as localidades nas que se realizan situándoas nun contexto internacional.

Ademais, a organización de calquera evento deportivo de certa magnitude ten un impacto económico e social significativo. A afluencia de competidores e afeccionados foráneos, que realizan gastos en aloxamentos, manutención e outros bens e servizos, supón unha inxección á economía local coa posibilidade da creación de emprego local.

Con data do 9 de setembro de 2025 a Consellería de Presidencia, Xustiza e Deportes e a FSVG asinaron un convenio de colaboración para a redacción do proxecto técnico das obras de mellora das instalacións equinas do Recinto Feiral, cunha achega por parte da Consellería á FSVG de 18.029 €.



Unha vez redactado e presentado o proxecto técnico das obras de mellora das instalacións equinas do recinto feiral, a FSVG solicita a colaboración económica da Consellería de Presidencia, Xustiza e Deportes para poder contar co financiamento necesario para acometer a inversión.

Os obxectivos descritos e a relevancia das actuacións para a súa consecución acreditan a existencia de razóns de interese económico que xustifican o feito de recorrer ao procedemento excepcional de concesión directa dunha subvención a favor da Fundación Semana Verde de Galicia.

A falta de recursos da FSVG para poder acometer as devanditas actuacións, configura un contexto do cal se derivan, entre outras consecuencias, a imposibilidade de afrontar os compromisos económicos que a execución da actuación obxecto de subvención representa para a fundación.

Así pois, este convenio de colaboración responde ao interese público e social que representa a acción de fomento da Consellería de Presidencia, Xustiza e Deportes respecto da execución dunhas actuacións necesarias para ampliar as posibilidades de crecemento da hípica en Galicia, cubrindo as carencias de infraestruturas que condicionan a súa evolución positiva, ao dotar á Comunidade Autónoma dunha instalación deportiva de calidade para a práctica de disciplinas ecuestres que permitan optar á organización de Campionatos de España, celebrar probas de carácter internacional e converterse en centro de formación e tecnificación para adestradores e deportistas.

En definitiva, a conxuntura descrita, a necesidade de asistencia manifestada pola FSVG, o obxectivo da actuación, así como a existencia de crédito adecuado e suficiente para a súa aplicación eficaz na remodelación completa e a fondo das instalacións deportivas sobre as que se actuará a través do convenio que se pretende subscribir, acreditan a existencia de razóns de interese público que xustifican o feito de recorrer ao procedemento excepcional de concesión directa dunha subvención a favor da FSVG.

Incorpórase ao expediente declaración xustificando a imposibilidade de promover a concorrência pública, de acordo co establecido no citado artigo 26.2º da Lei 9/2007, do 13 de xuño, de subvencións de Galicia.

VII. Importe e aplicación orzamentaria

O importe total das actuacións a realizar ao abeiro deste convenio ascende á cantidade de **SEISCENTOS CORENTA E CATRO MIL CENTO VINTE EUROS CON CATRO CÉNTIMOS (644.120,04€)**, IVE incluído.

A Consellería de Presidencia, Xustiza e Deportes, a través da Secretaría Xeral Técnica, cooperará na realización das actuacións as que se refire a cláusula primeira do convenio de colaboración, mediante a achega máxima de **CINCOCENTOS CINCUENTA MIL EUROS (550.000€)**, IVE incluído, con cargo á aplicación orzamentaria 05.01.121A.781.0, código de



proxecto 2015 00121 dos orzamentos xerais da Comunidade Autónoma para o ano 2026. Este importe representa o 85% do orzamento total do proxecto que constitúe o obxecto deste convenio.

A FSVG chegará, con cargo aos seus créditos orzamentarios, a cantidade de NOVENTA E CATRO MIL CENTO VINTE EUROS, CON CATRO CÉNTIMOS (94.120,04€), que supón o 15% do orzamento total da actuación obxecto deste convenio, que se imputarán con cargo á partida correspondente do seu orzamento de gastos para o exercicio 2026.

Polo exposto, considérase xustificada a utilización do instrumento convencional para articular as actuacións de referencia, quedando o dito convenio fóra do ámbito de aplicación da Lei 9/2017, de 8 de novembro, de contratos do sector público, pola que se traspoñen ao ordenamento xurídico español as directivas do Parlamento Europeo e do Consello 2014/23/UE e 2014/24/UE, do 26 de febreiro de 2014 con independencia de que, ao abeiro do previsto no artigo 4 da dita norma, lle sexan de aplicación os principios desta lei para resolver as dúbidas e lagoas que se poidan presentar.

Santiago de Compostela, data da sinatura dixital

O secretario xeral técnico

Francisco Javier Abad Pardo

